庫全書

子部

銀定四庫全書 古今事文類聚後集卷二十四

子部

校對官中書臣趙東淵 總校官編修 臣王斌緒 滕録監生 及文新

詳校官中書臣孫 街

侍讀臣孫球覆勘

大七日日と 有野社作林南山檀柘號陸海也 古今事文類聚後集 11000 十四 厥貢惟菌蘇枯禹如 詩渭川千畝竹其 祝穆 撰

詩句竹深留客處杜美花多映竹 令之不敢置分何意氣之嚴殺同竹生花實其年便枯 竹林外裏分十萬丈夫甲刀摐摐密陣而獨侍豈貧軍 書竹則包事抽節往往紫結緑葉翠並冒霜停雪吳都 金ラビス 淨暉暉 譜風望成韻削希逸望保隨風金戈動日謝 好南 無人重高節徒自抱貞心對孝 初篁包綠釋選解帶圍新竹柳欲識凌冬性惟 脩竹不受暑 花亞欲移竹姓院竹翻 野外堂依竹 竹

大正日華八日 昔黄帝令伶倫為律伶倫自大夏之西沅渝之陰 取 之本也又見鳳門 於懈谷兩節間長六寸九分而吹之以為黃鐘之宫律 華人生 獨 古今事文類聚後幕時鳳凰樓帝梧桐食帝竹實輔詩 林瘦竹吾苑飛見木門 蝌谷竹 食竹實 竹

録别 金分四屋有書 蔡邕經會稽柯亭見椽竹可以為篇取用果 伏生尚書以竹簡寫之 及至洞庭之山淚下染竹即班妃死為湘水神博物 舜南処不返葬於蒼梧之野堯二女娥皇女英追之不 班竹 柯亭竹 竹簡 卷二十四 序殺青者直用青竹簡書耳 向劉

人三日巨 八十 出坐輿造竹下諷啸良久主人灑掃請坐徽之不顧而 投為限中顧見則龍也 去皆借居空宅中便令栽竹或問之徽之但嘯詠指竹 一徽之字子猷時吳中一士大夫家有好竹欲觀之便 (漢費長房隨壺公入山以竹杖與騎至家長房以杖 借宅裁竹 竹杖化龍 Ū 古今事文類聚後集

銀戶四扇台書 蔣詡舍中竹下開三徑有羊仲裘仲之徒與之遊! 通主人直造竹所嘯詠主人出語笑数然既而車騎羽儀 至門方知是袁尹 宋袁粲為丹陽尹郡南一 曰何可 一日無此君耶 竹林七賢 直造竹所 竹下三徑 一家頗有竹石祭

火足四事と言 **私康所與交者阮籍山濤向秀劉伶阮咸王我為竹** 相親當如此竹因號義竹輩 明皇遊後苑有竹叢密笋不出外顧諸王曰父子兄弟 之遊世稱竹林七賢 冠萊公貶死於雷詔還 插竹復生 義竹 竹溪六逸見隱 古今事文類緊後集 葬維陽過公安民皆迎祭哭其 U

號曰相公竹因立廟其旁奉祀甚謹劉貢父王樂道當 金グロスノコー 植物之中有名曰竹不剛不桑非草非木小異空實大 古今文集 同節目或茂沙 斬竹插地以掛紙錢焚之尋復生荀成林邦人神之 雜者 文刻石以紀其事塵 竹譜 晋武昌戴凱之

大三日日八日 體虚長各有所育苦實稱名甘亦無目号竹如藤其節 賢篁任篤笛體特堅圓棘竹駢深一叢為林根如推輪 六年鐘龍之美爰自崑崙員丘帝此竹一節為船巨細 都曲生多臥土立則依本長幾百尋狀若相續質雖含| 節若東針亦曰色竹城固是任篾筍既食鬢髮則侵單 已聞形名未傳桂實一族同稱異源衛尤勁薄博矢之 鮮根幹將枯花復音福竹乃縣新西為新必六十復亦 冬情性思殊寒九河鮮有五領實繁萌節包釋夏多春 古今事文類聚後集

凌崖獨秀箭革紛披篔當射筒秣絲桃枝長爽纖葉清 文須膏乃縟厥族之中蘇麻特奇修幹平節大葉繁枝 肌薄皮千百相軋洪纖有差相點既戮厥土維腥三 類於用寡宜為笋殊味筋竹為予稱利海表槿仍其幹 斯沮尋竹乃生物尤世遠畧狀傳名般腸實中與包 刃即其杪生於日南别名為篥百葉參差生自南垂傷 則死醫莫能治亦曰等竹厥毒若斯彼之同異余所 知篇與由衙厥體俱洪盧或累尺篇實衙空南越之 堙

金月四月 白書

豈必蜀壤亦産餘邦一曰扶老名實縣同節鹽二族亦 甌諸郡緣海所生肌理勻淨筠色潤貞凡今之篪匪兹 出諸東裔物類衆詭于何不計有竹象簻因以為名東 潭雞脛似篁髙而筍脆稀葉稍杪類記黄細狗竹有毛 甚相似把髮苦竹促節薄齒束物體柔殆同麻氣蓋竹 居梁柱是供竹之堪杖莫尚於笻磥砢不凡狀若人功 上了日 int 1:15 町 所生大抵江東上密防露下疎來風連畝接町竦散崗 不鳴會稽之箭東南之美古人嘉之因以命矢笛輅載 古今事文類聚後集 스

聲四方質清氣亮衆管莫仿亦有海篠生於島冬節 植必也品岡踰矢稱大出尋為長物各有用婦之最良 籍貢名荆都管亦菌徒概節而短江漢之間謂之敬皆 任赤白二竹遠取其色白薄而曲赤厚而直沅澧所豐 又有族類爰挺嶧陽懸根百仞疎榦風生簫笙之選有 及竹根深耐寒茂彼洪苑篲條蒼蒼接町連篁性不早 尺翰不滿尋形枯若筋色如黄金徒為一 邦鮮植肅萬蓝藍罗罗費植捏笋於秋冬乃成竹 異莫知

銀月四月在書

範植于宛簽生于蜀細篠大湯竹之通目互名統體譬 筆之匪邁伊矚 潦栖 雲陰木供筍滋肥可為古蓄厥性異宜各有所育 大無小干萬脩直薑膜內高編文外施菰菜誕節內實 澤作貢漁陽以供輅策浮竹亞節虚軟厚肉臨溪覆 與犢人之所知事生軌獨赤縣之外馬可詳錄臆之 似賢何哉竹本固固以樹徳君子見其本則思善建 ֝֞֞֝֞֝֞֝֞֝֝֝֞֝֝֞֝֝֓֞֝֝֝֓֓֓֞֝֝֓֓֓֓֓֓֝֝֓֓֓֓֓֝֝֓֓֓֓֡֝֓֓֓֓֡֞֝֓֡֓ 7:17 養竹記 古今事文類聚後集 白居易

之老則曰此相國之手植者自相國指館他人假居於 之東南問見叢竹於斯枝葉珍舜無聲無色詢于關氏 常樂里故關相國私第之東亭而處之明日復及于亭 |者夫如是故君子人多樹之為庭實馬貞元十九年春 節負負以立志君子見其節則思砥礪名行夷險 者竹心空空以體道君子見其心則思應用虚受者竹 居易以拔萃選及第授校書即始於長安求假居處得 不拔者竹性直直以立身君子見其性則思中立不倚

一分次匹在 全書

賢而人猶愛惜之封殖之况其真賢者乎然則竹之 情於感遇也嗟乎竹植物也於人何有哉以其有似於 畢於是日出有清陰風來有清聲依依然欣欣然若有 居易惜其當經長者之手而見賤俗人之目剪棄若是 是筐篚者斬馬篲箒者刈馬刑餘之材長無尋馬數無 本性猶存乃芟翳薈除糞壤疏其間封其下不終日 而 百馬又有凡草本雜生其中養茸薈蔚有無竹之心馬 不猶賢之於衆庶嗚呼竹不能自異惟人異之賢不

能自異惟用賢者異之故作養竹記書於亭之壁以貼 代甘實苟愛其堅貞豈無松桂也何不雜列其間也答 寒聲蕭然適有問曰樹椅桐可以代琴瑟植檀黎可以 北隅克全其根不傷其性載舊土而植新地煙翠霭霭 其後之居斯者亦欲以聞於今之用賢者云 秋八月劉氏徙竹凡百餘本列于室之東西軒泉之南 曰君子比德於竹馬原夫勁本坚節不受雪霜剛也綠 植竹記 劉嚴夫英華

|飲灾匹庫全書

破之為篾席數之於宗廟可以長孝敬截而穴之為箎 飛可以征不庭可以除民害此文武之兼用也又劃而 樂賢也嚴擢笋以成翰進德也及乎將用則裂為簡贖 **水關榮謙也四時一貫榮衰不殊常也垂黃實以遲鳳** 葉萋萋翠筠浮浮柔也虚心而直無所隐蔽忠也不孤 於是寫詩書象象之解留示百代微則聖哲之道墜地 而不聞矣故後人又何所宗數至若鏃而箭之插羽而 根以提聳心相依以林秀義也雖春陽氣王終不與釈 古今事文明眼炎集

一欽定四庫全書 書曰劉氏植竹記尚德也 為簫為笙為簧吹之成虞韶可以和人神此禮樂之並 自遠問逐坐聞似非官曹有竹一叢翠接指所其虚中 行也夫此數徳可以配君子故巖夫列之於庭不植他 左史院通宸居之正地直日華之東偏俗塵不飛人意 **本欲令獨擅其美且無以雜之乎竊懼來者之未諭故** 操陰坐祛煩之能紫微即高公當賦之固已備 别竹記 割也果 劉寬夫英華

盡然而歲月滋久蔓衍浸淫大小相依萬下叢茂俾 環本尊者去之從風而不能自正者去之大而倚者去 光雖透陰氣常凝瞑色為之早來陽春為之減煦四序 之聚而曲者去之竅而不能備笙簧之用者去之挺而 命斧斤将治其無沉吟即時乃用申誠且謂其徒曰礪 爾器用端爾瞻視謹爾操執慎爾區分其有質微而葉 不正一庭常昏蚊蛀曹飛雀鷃自遂披圖散快觀览不 二年冬侍軒之暇載筆之餘偶步庭除病其蔽翳因 古今事文颜聚後集

屋不為之傾大旱乾物不為之瘁堅可以配松栢勁可 者邪正乃必不浹旬扶疎一林歴歴可見有清風澡慮 挺不回者爾其保之既而芟剪成功繁蕪交盡去者存 以凌霜雪家可以泊晴煙球可以漏宵月嬋娟可玩勁 知竹箭之美尚資科别之功即其他不俟言而詳矣或 不能棲鸞鳳者去之其有羣居不亂獨立自持振風發 之效無蔽日朋姦之識檀樂風生韻合官徵君子是以 斯為小可以伸之因紀一時之妙廣而述之

一欽定匹庫全書

人

屋梁也超然如瓊田之鶴阿閣之寫鳳也蕭然如取風 とこりらい 相見談湘中事予益老且病矣折腰走堦下非其好也 帽痛飲說詩論文俗士往往或疑其異或信其真公叔 騎氣飲沆瀣而遊汗漫也子項識之湘中一見定交脫 永嘉吳公叔清曠簡遠望之皎然如雪山倚空落月滿 不知也今年四月予來為邑於斯英公叔實實贊洪府 竹所記 畫質當谷記門畫 古今事文頻聚後集 楊廷秀

一部分四年全書 荷風風然從東湖之東度水而至公叔與予皆大醉矣 記之易耳雖然此非公叔事也乃楊子事也楊子将為 叔曰子不聞夫王子猷之不問主人徑造竹所乎予曰 公权復呼酒以濯盥予之泥塗塵沙夜過半月在牖户 子猷之徑造矣但未知今之主人與昔之主人何如也 公叔起曰吾有竹所子盍為吾記之于曰奚而名也公 公权大笑曰王茂洪不云乎元規若來吾便角巾還第 此君軒賦 楊廷秀

澳綠竹如簀言念君子温其如玉吾乃今知竹之所以 青日人不肉則齊不竹則俗汝知之乎其詩曰瞻彼其 虚子曰子猷可謂愛竹矣知竹則未也古之知竹者其 こうこ 有風動竹聞蕭瑟檀樂之聲欣然忘味三月不肉顧謂 惟吾夫子丹益嘗聞之夫子適衛公孫青僕子在淇園 客有問於清虚子曰昔者子猷愛竹字之曰君謂此 日之不可無古之知竹者未有若子猷之勤者數清 吾友清虚子家有竹軒命曰此君 古今事之類服後集

多定四庫全書 稱之者嫩汝視其中洞然而虚也所謂囘也其庶乎屢 然而孤也所謂直哉史魚邦有道如矢者哉汝視其貌 清武公之所以盛也益君子於竹比德馬汝視其節凛 堅晚節於歳寒以無忘夫子之徳 陳蔡者皆不及門君何脩何飾乃得與四子而同席願 竹者也客曰甚哉清虚子之言似夫子也敢賀此君從 空有若無數故古之知竹者其惟夫子乎子猷益非知 **颀然而瘦也所謂伯夷叔齊餓于首陽之下民到于今**

筍添南階竹日日成清閱縹節已儲霜黃苞猶檢翠 飄吹露粉先猛淚何人可攜玩清景空瞪視 >補林併出疑争地縱橫乍依林爛漫忽無次風枝未 竹鑽石生蒼烟映江島翠色落波深虛聲帶寒早龍 抽五六當户羅三四萬標陵秋嚴貞色奪春媚稀生 古詩 ī 題新竹 慈姥竹 古分節之項收後康 韓愈 李白

一级定四庫全書 兹軒最灑落歴歷種琅玕正畫薄雲稀蕭蕭風雨寒翠 潜葉底 睃雀投林端逃與遇物愜高懷隨處安且免 陰涼宴坐疎韻成清歡錦籍裁夏扇玉笋供春盤晴蝸 日無何須干畝寛 吟曾未聴鳳曲吹應好不覺蒲柳凋貞心常自保 妍兒女姿零落 題鮮于子駿竹軒 刑部看竹效孟郊體 何速竹比君子 徳猗猗寒更綠京 歐陽永权 可馬君實

清賞寧縣為芳酥黃昏人去鎖深廊枝上月明春鳥宿 此君仍大嚼世間那有揚州鶴 寧可食無內不可居無竹無肉令人瘦無竹令人俗 进青苔繭球拂華屋森森日影開濯濯生意足幸此接 師多名園車馬紛馳逐春風紅紫時見此蒼翠玉凌 瘦尚可肥人俗不可醫傍人笑此言似髙還似癡若 題竹石牧牛 於潜僧綠筠軒 哉。魯直 蘇子贍 亂

欽定匹庫全書 綠竹半含釋新梢纔出墻色侵書帙晚陰過酒樽涼雨 吾甚爱之勿遣牛礪角牛礪角尚可牛鬬殘我竹 野次小峥嵘坐篁相依綠阿童三尺箠御此老散隸石 無塵終不埽有鳥莫令彈若要添風月應除數百竿 **娟绡淨風吹細細香但令無剪伐會見拂雲長** 律詩 絶句 嚴鄭公宅同詠竹 韓愈 杜甫

微 鲁結念到此數題詩莫恨成龍晚成龍自有時 泉傍借響山木共含滋粉膩點難篆叢疎鳥易窺遊邊 滴枝上露梢霑堦下苔幸當一入幌為拂素琴埃 江南瀟灑地本自與君宜固節還同我虚心欲待誰 風點暮坐臨牖思悠哉開門風動竹疑是故人來時 江南竹 晚春歸山居題窻前竹 竹窓聞風寄苗發司空曙 古今事文項校後住 錢起 許畫英華 李益 澗

- 34 to 16

飲定匹庫全書 **負郭依山一徑深萬竿如東翠沉沉從來愛物多成癖** 辛苦移家為竹林 幸分蒼翠拂波濤 改青陰待我歸 軒蒟蒻他年到錦竹亭亭出縣高江上舍前無此物 從韋二 再葺夷陵幽居 一明府覔錦竹三數叢 李涉 杜甫

欠日日日とこう 偷眼者雲生未生 自有春風為掃門 竹裏編茅倚石門竹草陳處見前村開眼盡日無人到 不用山僧供帳迎世間無此竹風清獨拳一手支順臥 也詩云 言姓名爵里外之喜一絕乃其學子葛敏脩 山谷南遷至南華竹軒令侍史誦詩板戒勿 竹裏 古今事文類聚後集 李涉

慕見凌雲飄粉籜須知礙石作盤根細看枝上蟬吟處 洗來疎净見前峰侵指蘇拆春芽迸繞徑莎微夏陰濃 宜煙宜雨又宜風拂水藏村復問松移得蕭騷從遠寺 金次四母在書 猶是爭時與食痕月送綠陰斜上砌露凝寒色濕遮 無頼杏花多意緒數枝穿翠好相容 列仙終日逍遥地鳥雀潛來不敢喧 鄭谷 カナ

望交出然又有不拘此者晏元獻詩云苒苒渭濱族蕭 是也又用臘月杜陵所謂東林竹影薄臘月更須栽是 日又謂之竹迷日栽竹多茂盛或陰雨則鞭行明年笋 也非此時移之多不活惟五月十三日古人謂之竹醉 種竹者多用辰日山谷所謂竹須辰日斸笋看上番成 外姿如能樂封殖何必醉中移藝苑竹有雌雄 竹醉日 ち今事と 頂 民美味 雌黄

欽定四庫全書 者多笋故也種竹當種雌自根而上至生梢 胎 禮春卯夏笋 為雄二節發者為雌仇池 梁簡文 七廟 書要語第一名萌 名竹牙一 笋 南都城青筍紫薑潘無開張平子青 名出一名初望譜加豆之實等強魚醢 名弱竹一名笼一名雅一名竹 雜金笋之甘菹 節發者

侯出祖顯父錢之清酒百壺其較伊何維筍及浦 尹吉甫作韓奕詩以美宣王能錫命諸侯其三章云韓 大二可点 質審谷記 古今事實 寄紀含下笋等壁 谷駢頭玉嬰兒 萬釋抱龍兒攢进溢林數全籍龍正稱完莫殺 2.1.1 其簌笋蒲 古今事文頻聚後集 脫錦鄉 渭川千山在胸中 緑垂風折笋並豹文解釋假

為之生得以供祭 彭庆四年全書 泣而獲供饋 孟宗江夏人性至孝母卒冬節将至宗乃入林哀泣笋 而不熟乃謂其妻曰吳人輕聽欺我如此矣 漢人有適吳吳人設笋問是何物曰竹也歸煮其床簀 買笋止盗 泣竹祭母 歸煮 晋劉殷年九歳為祖母冬思笋殷

宋沈道慶隱居武康人有拔屋後笋令人止之曰惜此 慙不取使置其門內而還 笋欲成林更有佳者相與乃令人買大笋送與之盜者 何隨人有盗其園笋隨見挈屐而歸恐盗者見也華陽 與盗者過盗感琰情而息意不盗 兀琰家有竹圃每見人盗笋苦於過溝元琰伐樹為 避盗笋者 為橋與盗 古今事文质长後集

唐夏侯彪之上新繁令問里胥曰第一並幾錢曰 五莖取十千買五萬莖謂之曰吾未要且寄林中養之 一秋竹成一竿十文遂成五十萬貪猥不道皆此類 版欣然從之至康景寺烧笋而食器之覺笋味勝問 ,坡當邀劃器之同泰玉版和尚器之每倦山行聞見 名也東坡日名玉版也此老師善說法要能令君得 參玉版師 買笋寄林

古今文集 禪忧之味於是器之乃悟其戲為之大笑沒語 益人反是則損採筍之法可避露日出後掘深土取之 麻油薑皆殺笋毒凡食笋之要譬若治藥脩煉得門 吹旋堅以中以拭土又不宜見水含殼沸湯瀹之煮 雜者 折取鞭根旋得投密竹器中以油單覆之勿今見風 笋譜 僧費寧

欽定四年全書 煮不久非食也如此然後可與語食笋失此外不足 臣 宜久生必損人苦笋最宜久甘笋出湯後去殼澄煮笋 而苦風非藏也棟之脫殼非治也淨之入水非洗也熬 採笋一日曰萬二日曰്見風則觸本堅入水則浸肉 五味尤佳 硬脱殼煮則失味生着刃則失桑採而停久非鮮也盛 為羹如味全加羹不然熬最美味全塘灰中煨後

北州乃竹鄉春笋滿山谷山夫折盈把抱來早市閣物 以多為賤雙錢易一末置之炊甑中與飯同時熟紫籜 古詩 塵史云僧贊寧為笋譜甚詳其椅撫古人詩詠自 詠也惟孟蜀時徐光溥等二人詩句乃在笋譜然 退之和侯恊律笋二十六韻獨不見収何耶 梁元帝至唐楊師道皆詩中言及笋者非專為題 食笋 日子事文項級後 白居以

|欽定四庫全書 來白下聚此族富厄宰納栗戴地翻散棘觸墙壊毈觥 洛下花竹笋花時壓鮭菜一東酬干金掉頭不肯賣我 洛客此味常不足且食勿踟蹰南風吹作竹 **坼故錦素肌擘新玉每日遂加飡經時不思肉久為京** 股掌炮鼈亂展介小兒哇不美鼠壤有餘嘬可貴生于 入中厨如價食竹債甘菹和菌耳辛膳肠薑茶烹鵝雜 /古來食共噫尚想髙將軍五溪無人采 食笋十韻 黃雪直

竹萬籟聽秋噫從此繕藩籬下令禁漁釆 能詩才名動江介論詩多佳句膾炙甘我嘬思君恩養 煨茁美豈念炮烙債咀吞干畝餘胸次不薑芥二妙各 知價廉平百態事烹字鹽稀枯腊瘦蜜漬真味壞就根 (饌厭羊酪南庖豐笋菜自北初落南幾為兒所賣習 黄照春盤孤白媚春菜惟此蒼竹苗市上三時賣江 蕭異葛敏脩二學子和予食笋詩次韻答之 与分野文頂教唆集 哉魯直 Ī

一欽定四庫全書 墨砧杵風號噫每下嘆枯株焚如落樵釆 食殺如客得價介思入帝鼎烹思遭飢涎嘬懶林供翰 雕龍睡未索兒孫債賴膽能分杯虎魄好拾芥此物於 南家家竹剪伐誰主宰半以苦見疎不言甘易壞葛陂 首萬錢厨不羨虧廟宰民生暫神竒胞攜伐性壞忍持 芭蕉身多員牛羊債簿龍不稱冤易致等拾芥蕭蕭煙 人笑瘦即貧滿腹飢寒菜春盤食指動等在入市賣回 胡朝請見和復次韻 をニナロ 插魯直

同宗聞道隔幾塵詩成聊使寫一笑驚比隣 然集吾宇老眼簷光新麴生亦稅駕共慰藜藿貧不待 竹君家乡材楚楚皆席珍成竹着錦袍玉色昳市。 **凋玉食香餘噫續詩無全功葑菲爣可来** 雨安壯士持戈介駢頭沸鼎烹可口垂涎嘬霜載貧後 與影三人宛相親可憐管城子頭禿事苦辛按譜雖 食笋 新笋 陳去非 朱元晦 人恵

|飲定四庫全書 苦節乃與生俱生我見魏徴殊媚姓約束兒童勿多取 藜藿盤中忽眼明駢頭脫襁白王嬰極知耿介種性別 南園苦笋味勝肉籜龍稱冤莫採錄煩君更致蒼玉東 偷翛江上林白日暗風雨下有萬玉蚪三冬臥寒土 明日風雨吹成竹 才自古要養成放使干膏戰風雨 苦笋 從斌老乞苦笋 黄雪直 陸務觀

為公作經藏名山 寒牙嚼作冰片聲餘歷仍和月光吸松羔楮雞浪得名 不如來祭王版僧醉裏何須酒解酲此羹一椀爽然醒 江西猫笋未出兴雪中土膏養新甜先生別得煮簀法 丁寧勿用鹽與鹽嚴下清泉須旋汲熬出霜根生蜜汁 都煮菜皆如此淡處當知有真味先生此法未要傳 . . . 謝唐徳明恵笋 記張定叟煮笋經 楊廷秀 楊廷秀

昏花兩眼為渠開販夫束縛向市賣外强中乾美安在 高人愛笋如愛玉忘口不餐要添竹云何又遣十革 竹事人不到新等滿前軒作出真堪賞初多未覺煩成 以此累公真不惡 錦紋猶帶落花泥不論燒煮兩皆竒猪肝累人真可惡 行齊婢僕環立比兒孫驗長常攜尺愁乾屢側盆對吟 律詩 和侯協律詠笋 卷二十四 韓愈

一 致定匹庫全書

其偏思已復侵危砌非徒出短垣身軍虞瓦礫計擬檢 **院散布忽無垠詎可持籌業誰能以理言縱横公占地** 忘膳飲偶坐變朝昏滯 去若追奔始訝妨人路還驚入樂園萌芽防沒大覆載 列暗連根狂劇時穿壁犀强幾觸藩深潛如避逐 王挾勢欲騰騫見角牛羊沒看皮虎豹存攢生猶 且歎高無數庸知上幾番短長終不較先後竟誰 |藏密中仍節 目繁暫須移步履要取助盤 雨膏腴涇驕陽氣候温得時 有

欽定四庫全書 懦咨聊揀兒癡説盡髡侇生來慰意詩句讀驚魂屬和 粮粮疑翻地森森競塞門戈矛頭戢战蛇虺首掀掀婦 將竭呻吟至日暇 出班犀數上 成二學士從此不睦徐詩曰 徐因題之劉詩多譏謂徐託土本是蜀人詩 徐光溥劉侍郎義叟分直忽视庭中笋进 何光遠作廣政錄記孟氏有蜀時翰林學士 T.株更添丝景向蓬壺出來似有凌雲勢 卷二十四 古今男才美男作有

抛擲 數里春時獨自尋进犀抽錦亂森森田文死去賓朋散 從他長養譬如無 徐徐出土非人種枝葉難投日月壺為是因緣生此地 丹梯得也無 : 玳瑁籍 笋 劉詩日 古今事文頃聚後集 王元之 Ŧ

敏灾匹庫全書 認得青青幾代孫 按葛陂化龍乃貴 昨夜春霞迸蘚痕亂披煙籜出柴門稚川龍過應回首 明朝吹作碧參差 古今事文類聚後集卷二十四 雷鶴起擇龍兒戢戢滿山人未知急與蒼頭斯煙雨 笋 人 朱喬年

740 11 700 110

甘而多汁似安石榴有酸甜者至日將中愈然俱亦則 欽定四庫全書 7 ... **書要語荔枝樹髙五六丈大如桂樹緑葉蓬蓬冬夏** 古今事文頻聚後集卷二十五 華朱實大如鷄子核黄黑似熟蓮子實白如肪 龍眼附 古今事文順版後集 宋 撰

|乾眼之色红而甘酸可三四年不蛀日蠲尚補髓為洪 一 飲定匹庫全書 詩句輕紅摩荔枝 **普為疾即少熱以蜜漿解之** 實盡落口民間以鹽梅酯浸佛桑花為紅漿投荔枝漬 可食也 枝丹兮焦黄幹則生荔枝在蜀 看連翠葉真堪畫紅透青龍實可憐的居 如荔枝但枝葉稍小殼青黄色形如彈丸核 樹下子百斛馬荔枝性熱有人日敢千顆未 杜京華應見無顏色紅顆酸甜只 諸枝最尼麝香或遇之花 自

欠を四事を告 功伏見交趾十郡獻生荔枝龍眼等南州土地炎熱 送唐羌上書曰臣聞上不以滋味為徳下不以貢膳為 漢永元間嶺南獻生荔枝十里一置五里一候畫夜傳 記本傍挺龍目左屬 木梡子而不堅肉白而帶漿其甘如塞一朵五六十 古今事實 **穗如蒲萄然荔枝過即龍眼熟故謂之荔支奴** 交趾入獻 古今事文類聚後集 惡 颗

必延年益壽詔敕大官勿復受獻 蟲猛獸不絕於路至於觸犯死亡之害此二物升殿未 魏文帝詔羣臣曰南方果之珍異者有龍眼荔枝令蔵 斃於路百姓苦之 貢馬出九真交趾 如嗜荔枝當時以馬遜馳載七日七夜至京人馬多 楊妃所嗜 詔貢龍眼

柑子為四蒲桃為五或薦荔枝曰當舉之首爾史 古今文集 劉崇龜姆舊或干以財崇龜不答但畫荔枝圖與之 雜著 しりえ 直方管第果實名以綠李為首楞梨為二荔枝為三 1.1. 荔枝圖序 荔枝為首 贈荔枝圖 **于文題歌後度** 白居易

到为四年全書 荔枝之於天下惟堪粤南學巴蜀有之漢初南粤王尉 祭實如丹夏熟如采蒲萄核如枇杷殼如紅繪膜如紫绡 瓤肉潔白如雪水浆液甘酸如醴酪大略如彼其實過 荔枝生巴峡間樹形團團如惟益葉如冬青華如橘春 五日外色香味盡去美元和十五年夏南賓守樂天命 工圖而書之益為不識者與識而不及一二三日者云 '若離本枝一日而色變二日而香變三日而味變四 荔枝譜 論蘋南巴 蜀荔枝 終君謨

張九龄賦之以託意白居易刺忠州既形於詩又圖而 寶中妃子尤爱嗜涪州嚴命驛致時之詞人多所稱詠 唐羌尚書言狀詔大官省之魏文帝有西域蒲萄之 他以之備方物於是始通中國司馬相如賦上林云答 世譏其謬論豈當時南北斷隔所擬出於傳聞耶唐天 逻離支益夸言無有是也東京交趾七郡貢生務支十 置五里一堆晝夜奔騰有毒蟲猛虎之害臨武長)雖髣髴顔色而甘滋之勝莫能著也洛陽取於嶺 ļ 古今事之頃 聚羧集

一 欽定匹庫全書 是二人者亦未遇夫真荔支者也関中惟四郡有之福 率早熟肌肉薄而味甘酸其精好者僅比東閩之下等 居易雖見新實驗今之南廣州郡與遊梓之間所出大 香味之存者亡幾矣是生荔支中國未始見之也九齡 南長安來於巴蜀雖曰鮮獻而傅置之速腐爛之餘色 始遇乎人也予家莆陽再臨泉福二郡十年往還道由 而寂寥無紀將尤異之物昔所未有乎益亦有之而未 州最多而與化軍最為奇特泉漳時亦知名列品雖髙

倡始夫以一木之實生於海濱品險之遠而能名徹上 鄉 不述也 於盧橘江楹之右少發光采此所以為之歎惜而不 化軍風俗園池勝處惟種荔支當其熟時雖有他果 國每得其尤者命工寫生粹集既多因而題目以為 遠被四海重於當世是亦有足貴者其於果品卓然 1 然性畏高寒不堪移植而又道里遼絕雅不得班 荔輪 支與 化 古今事文題聚變集 £

ŀ

多定四年全書 者過甘與淡失味之中惟陳紫之於色香味自拔其類 得者自以為幸不敢較其直之多少也今列陳紫之所 之至不可得而状也荔支以甘為味雖百千樹莫有同 花紅核如丁香母刺之凝如水精食之消如絳雪其味 五分香氣清遠色澤鮮紫殼薄而平熟厚而莹膜如桃 長以例衆品其樹晚熟其實廣上而園下大可徑寸有 不為滿意陳氏欲採摘必先閉戶隔墙入錢度錢與之 不復見省大重陳紫富室大家蔵或不嘗雖列品千計

欠足可見とい 非名盡之可傳而精思之可述觀覽之勝無與為比 ·霽晚日照耀終囊翠葉鮮明蔽映數里之間焜如星火 此所以為天下第一 别已為中品若夫厚皮尖剌肌理黄色附核而赤食之 有查食已而溢雖無酢味亦自下等矣 至於萬林城中越山當州署之北鬱為林麓暑雨初 州種植最多延貤原野洪塘水西尤其盛處一家之 荔支 論福州 一也凡荔支皮膜形色一有類陳紫 古今事文類聚後集

金少世屋 品目至衆惟江家緑為州之第 知幾千萬億而鄉人得飫食者葢鮮以其斷林驚之也 夏其東南舟行新羅日本琉球大食之屬莫不愛好重 計美惡悉為紅鹽莓水浮陸轉以入京師外至北戎西 陳紫典 花時商人計林斷之以立券若後豐寡商人知之不 以轉之故商人販益廣而鄉人種益多一歳之出不 137 宋公荔 江家綠 藍家紅泉 方家紅 周家紅典

言姓氏 雙髻 虎皮 釵頭顆 水荔支 朱柿福 一品言姓氏尤其著者也言州郡記所出也不 郡四郡皆或有之 蜜荔 滿桃 法石白泉 粉紅 古今事文領限发出 中元紅 蚶殼 玳瑁紅 一香荔 八娘 龍牙 硫黄 圓丁香 將軍荔 廣本 南出

一一飲文四庫全書 精造化之理宜如此也余少游洛陽花之盛處也因為 嘗有感於二物而三人者適各得其一之詳故書其所 牡丹作記君謨閩人也故能識荔支而譜之因念昔人 牡丹花之絕而無甘實荔支果之絕而無名花昔樂天 以然而附於君謨譜之末 有感於二物矣然斯二者惟不兼萬物之美故名得其 書荔支譜後 莆田荔支 歐陽永权 洪景盧

欠しり声という 欲重其名以二百颗送蔡忠恵公绐以常崴所産止此 之旁級是豈人力所能加哉初方氏有樹結實數干顆 生旁枝其核自小里人謂不然此果形狀變態百出不 紫過墻則為小陳紫矣筆該謂焦核荔子上人能為之 相類宋香之後無宋香所存者孫枝爾陳紫之後無陳 莆田荔支名品皆出天成雖以其核種之終與其本 可以理求或似龍牙或類鳳爪釵頭紅之可簪綠珠子 取本木去其大根火燔令焦復植於土以石壓之今勿 古今事文類聚後集

一金分四月 在書 其之知固未之信惟舍人彭城劉侯弱年累遷經于南 甘滋百果之中無一可比余往在西披當威稱之諸公 極繁茂逮至成熟所存者未嘗越二百遂成語識此段 南海郡出荔支馬每至季夏其實乃熟狀甚瓌詭味特 已載逐齊開覽中郡士黃處權復志其詳如此簽 公為目之曰方家紅著之於譜印證其妄自後華實雖 聞斯談倍復嘉歎以為甘美之極也又謂龍眼凡 荔支賦 并序 張九齡

作酸於此裔爰賢陽以從宜蒙休和之所播涉寒暑而 ز. آ 用而身在無譽之間苟無深知與彼亦何以異也因導 果而與荔支齊名魏文帝方引蒲萄及龍眼相比是時 輕味以無味而疑遠不可驗終馬永屈況士有未效之 二方不通傳聞之大謬也每相顧開議欲為賦述世務 -卒此志莫就及理郡暇日追叙徃心夫物以不知為 其實遂作此賦云 ·美者殿有荔支雖受氣於震方實稟精於火離乃 1.1. 古今事文頻服後集

飲定匹庫全書 豐其花但古其實如有意子端本故微文而妙質帶於 房而捽荜皮龍鱗以駢比膚玉英而含澤色江蓱以吐 枝爺茸霮野環合灰纜如益之張如惟之垂雲煙沃若 之險戲彼前志之或妄何側生之見疵爾其勾芒在辰 日朱苞剖明璫出冋然數寸猶不可匹未玉齒而殆 凱風入律肇氣含滋芬敷謐溢緑穂靡靡青英苾苾不 孔翠于斯靈根所盤不髙不甲陋下澤之沮洳惡層崖 匪虧下合間以擢犀傍蔭畝而抱鞋紫文紺理黛葉組

嘉賓四會時當與煜客或煩情而斯果在馬莫不心侈 大王日本日本 愈益氣而理内故無厭於所甘雖不貪而必愛沉美季 而莫取浮甘瓜而自退豈一座之所禁冠四時而為最 而體泰信明盤之仙液實玳筵之綺續有終食於累百 於甘橘媛蒲萄以見擬亦古人之深失若乃華軒洞 之無算非精言之能悉聞者歡而竦企見者訝而驚化 雖瓊漿而可軼彼衆味而有五此甘滋之不一伊醇 心患可以蠲忿口爽可以忘疾且欲神於醴露何比數 古今事文類聚後集

獨遠嗟爾命之不逢每被銷於凡口罕獲知於貴躬柿 其中哉 九重分号通山五崎分白雲江千里兮青楓何斯美之 夫其贵可以薦宗廟珍可以羞王公亭十里兮莫致門 稱乎梁侯梨何幸乎張公亦因地之所遇孰能辨乎 古詩 州積炎徳嘉樹凌冬緑薫風海上來丹荔逾夏熟煌 荔支 劉貢父

金グピる

卷二十五


大三日 西 八十 林四方會竒木使臣得安榴天馬來苜蓿擢身自幽遐 煌錦繡林亭亭翡翠屋鵠頭爛晨霞天酒瑩寒玉流聲 果為羞縮區區化工意聊爾存聚族 託地幸涿漉我欲各真宰喟兹限荒服將非名實雄百 食間此薦知不辱追今糟粕餘猶足騰凡目憶初成 感華夏採掇如不足開元百馬死漢堠五里促君王玉 置飛塵灰五里一 荔支歎 古今事文類聚後集 · 埃兵火催 颠坑仆谷相於 **热子**赡

金岁正是人 姚黄花 我願天公憐赤子莫生尤物為瘡病雨順風調百穀登 宫中 民不饑寒為上瑞君不見武陵溪邊粟粒芽前丁後蔡 天寶歲貢取之治至今欲食林南肉無人舉觞酹伯游 知是荔支龍眼來飛車跨山鵑横海風枝露葉如新採 相籠加争新買籠各出意年年圖品充官茶吾君所乏 物致養口體何陋即洛陽相君忠孝家可憐亦進 破顏驚塵濺血流干載永元荔支來交州

次主四華全島 風 浮航走徹空四郊妙品人間無復得以聞供給只纖毫 我聞至和全盛時貢輸不減開元日涪州距雍已云遠 |尋常百果無顏色閩天六月雨初晴星火熒煌耀川 炎精孕秀多靈植荔支住名聞自昔絳囊剖雪出瑚盤 况此奔馳來海側繡衣使者動輔車黃紙封林遍阡陌 陳紫方紅冠傳匹鹽蒸蜜清尚絕倫啄瓊空美南飛翼 如彩鳳戲翱翔爛若彤雲堆翕爀中郎裁品三十一 荔支歌 古今事文類聚後集 陳去非

分りに 1.徃盡入公侯宅驪山廢苑狐兔静艮嶽新宫鼙鼓急 律詩 聽胡笳雙淚滴 低垂户枝學重壓墻始因風弄色漸與日爭光夕部 **承標南土芳林對北堂素華** 今古共淒涼遠樹行吟悲野客西風刮地戰塵昏 とこで 題郡中荔支詩十八韻兼寄萬州楊使君 春漠漠丹實夏煌煌葉 白居易

文足の事人とす 嫩易傷近南光景熱向北道途長不得充王賦無由寄 髙告渺洋已教生暑月又使阻遐方粹液靈難駐妍姿 條態火朝疑樹點粧深於紅躑躅大校白檳榔星級連 鮮逾橘得霜燕脂掌中期甘露古頭浆物少尤珍重天 **說今朝始摘嘗嚼嶽天上味嗅異世間香潤勝蓮生水** 心杂珠排耀眼房紫羅裁觀敷白玉墨填囊早歲會聞 鄉惟君堪擲贈面白似潘郎 荔支 古今事文類聚後集 韓偓 <u>‡</u>



無人 相見任今雙蒂美多情莫唱水晶九 錦筵火齊堆金盤五月甘漿破齒寒南國已隨朱夏熟 長安田首繡成堆山頂干門次第開一 人猶指畫圖者煙嵐不續升櫻獻玉座空悲羯鼓殘 知是荔支來 荔子 戲答忠荔子 華清宫 古今事文類聚後集 騎紅塵如子笑 劉彦冲 杜牧 劉放 井

欽定四庫全書 炎然午枕夢滄浪落落星也喜作當筆下丹青千品色 **瑪盤比日無遺選品格妍啞敢自逃** 直得當時妃子笑驪山千古事淒涼 挺秀窮荒歎未遭昔賢吟賞著風騷縱班盧橘材非 不近長安價愈髙煙雨萬株遥若畫塵埃一 頭風露一 龍以眼作 荔子 | 枝香雞冠借諭何輕許馬乳争名固不量 劉彦冲 一騎笑徒勞 偶

哉 西海濱琪樹羅玄圃纍纍似桃李一一流膏乳坐疑 星陨空又恐珠還浦圖經未嘗說玉食遠莫數獨使皴 龍眼與荔支異出同父祖端如柑與橘未易相可否異 價輕魚目為生多左思賦詠名初出玉局揄揚論豈頗 **继株傍挺緑婆娑啄咂雖微柰美何香割蜜脾知韻勝** 皮生弄色映明组鑑荒非汝辱幸免妃子污 又三日 Et Alder 龍眼 廉州龍眼質味殊絕可敵荔支 古今事文類聚後集 劉彦冲

多次四月石書 地極海南秋更暑昼盤猶足洗沉痾 詩話 辨蜀都賦

老杜亦云側生野岸及江浦不熱丹宮滿玉壺雲壑布 左思蜀都賦云邛竹緣嶺囷桂臨崖旁挺龍目側生荔 故張九齡賦荔支云雖觀上國之光而被側生之

胡胡


及南越有之太冲自言十年作賦三都所有皆責土物

凡盖言臨武 勞人害馬翠眉須也龍眼惟聞中

衣點背

詩句好折待實伯金盤薦紅瓊俱座紅紋雨肥梅 之貢至於言龍目亦不自知其失也 盤未薦含酸子城梅杏半傳黄杜 欠きりをを 暴乾為脂羹權董中疏 **巫人字也誤轉為生** 熟黃梅拉萬軟越梅酸雄梅熟許同朱老與杜絕 書要語標有梅其實七分風亦果中 梅實 古今事文類聚後集 詩注义云生本是山谷又云生本是 之嘉實與私 봈 四

金グレス 髙宗命傅就爰立作相曰若作和羹爾惟鹽梅 說世 魏武帝與軍士失道大渴而無水遂令曰前有梅林結 古今事實 甘酸可以止渴士卒聞之皆口中水出遂得及泉源 157 望梅止渇 相作鹽梅 梅為曹公



宗未嘗見頗怪暢令中使就封杏樹暢懼進宅廢為奉 馬燧之子暢以第中大杏饋實文場文場以進德宗德 杏林中以杏一 悉以還主 後周張元性廉潔南隣有杏兩枝杏熟多落元園中元 貧窮號董仙杏林神仙 分グロス ノニー 饋杏廢宅 林杏還主 器換裁一石裁少者底逐之乃以教 賑

誠園史唐 坐成晚煙雨青已黄得升桃李盤以遠初見當終然不 芳已皎潔永雪空自香古來和鼎實此物升廟廊歲月 江梅有住實託根桃李場桃李終不言朝露借恩光孤 古今文集 コン へこう 口鄭置官道傍但使本根在棄捐果何傷 古風上蘇子瞻松門 古今事文類聚後集 首見 哉。皆直

屬聞丹杏薦牙盤 舒定四庫 全書 天賜胭脂 律詩 少徑裏香未乾黃鳥陰中實已團然豆作烏鹽作白 上港來 紅梅 **礟答晁適道乞消梅** 林腮盤中磊落笛中哀雖然未得和美便 羅隱 武自直

初亦喜折條係復惜小苦已自韻未酸致堪喫聊将 風 去帶供鹽亦可人 天暖酒易醺春暮花難覔意行到南園杏子半紅碧輕 北客未當眉自顰南人誇說齒生津磨錢和蜜誰能許 古詩 動高枝可望不可摘聳有跂一足偶爾攀翻得攀 į 折杏子 楊廷秀 插

欽定匹庫全書 **萄之珍磊落曼行乎其側** 葡萄出於大宛張騫所致有黃白黑三種雅又云季 為貳師將軍破大宛得葡萄種歸漢於 古今事實 書要語葡萄結蔭注蔓延而葉密故多陰覷都若葡 葡萄 得種大宛 葡萄為酒 卷二十五

次定四車全書 房實磊落紫瑩時人號為草龍珠帳雜 還本寺植之長萬數仍陰地幅負十丈仰觀若惟益其 具丘之南有蒲桃谷天寳中沙門墨霄至此谷得枯蔓 敗漢使以其實來於是離官别觀傍盡種葡萄 太宗破高昌次馬乳葡萄種於苑中南部 大宛以葡萄為酒富人藏酒至萬餘石久者數十歲不 草龍珠帳 苑中馬乳 古今事文類聚後集

中國珍果甚多葡萄當其朱夏涉秋尚有餘暑醉酒宿 唐禹祖賜羣臣會於御前有葡萄侍中陳叔達執而不 古今文集 可遗乎遂流涕嗚咽因賜之 雜者 一問其故云臣母患口乾求之不能得上曰卿有母 示羣臣詔 葡萄遺母 魏文帝

火足四年上 立長架布獲當軒緑米液瓶其根理疎看滲漉繁葩組 汁多除煩解餡又釀以為酒甘於麴藥善醉而易醒道 **酲掩露而食甘而不能ぬ 脆而不酸冷而不寒味長** 岐浩繁縟脩蔓盤結曲揚翹向庭柯意思如有屬為之 之固已流涎咽唾况親食之耶他方之果寧有匹者 古詩 田生葡萄纏繞一枝萬移來碧墀下張王日日高 蒲桃歌 古今事文類聚後集 切 劉禹錫

金以口屋人 莫辭添竹引龍鬚 新蓝木徧半猶枯髙架支離倒後扶若欲滿盤堆馬乳 殺結懸實珠璣蹙馬乳帶輕霜龍鱗躍初旭有客汾 律詩 臨堂瞪雙目自言我晉人種此如種玉釀之成美酒 八飲不足為君持 葡萄 葡萄乾 **科性取凉州牧** 韓愈

向來馬乳太輕肥 秋摘甘寒黑水精近竹猶爭一尺許拋鬚先買兩三蓝 總喜盤藤捲葉生又驚壓架暗陰成夏褰涼潤青油幕 くこうこ 羣書要語楔 曼荆桃今櫻 州博酒不勝癡銀海乗槎領得歸玉骨瘦來無]種江西去長是茅廳怯晚晴 櫻桃 葡萄架 櫻雅仲夏天子羞以含桃光 楊廷秀

集繁星而積耀柳宗 |動灾四年全書 詩句崖蜜亦易求注以為櫻桃杜 灑而皆零後無宣櫻桃為樹則多陰為果則先熟媽咸 薦寢廟別高誘注曰含桃櫻桃為鳥所食故曰含桃品 秋惟櫻桃之為桃先百果而含榮鳥纔食而便墮雨溥 古今事實 **出離宮叔孫通曰禮有春嘗菓方今櫻桃** 獻宗廟

てこうえ しこう 唐文宗即位因内園進櫻桃以奉三官太后又景龍文 舘記上與侍臣於樹下摘櫻桃恣其食末後大陳宴席 願陛下出因取櫻桃獻宗廟諸獻菓自此始 奏宫樂至睃人賜朱櫻兩籠 視之盤與櫻桃同色塵臣皆笑云是空盤藝文 漢明帝宴羣臣大官進櫻桃以赤瑛盤賜羣臣月下 賜朱櫻 赤瑛盤進 古今事文類聚後集

一多元四年全書 古今文集 雜者 直方第東品以櫻桃為第三國史 伐櫻桃樹賦 品居第三 領士屬居母喪即線麻指京師徑謁林甫 蕭領士李林甫採其名欲用之乃召見時 於致事省林甫不識遽見線麻大惡之即

葉雅蔽風景腹背微禽是馬栖託頡頏上下喧呼甚適 馬廟庭之右有大櫻桃樹高累數尋係暢會新攢柯 天寶 因是為資遂命伐馬儆夫在位者爾 **昼其髙枝則俯逼軒屏中外斯隔予實惡之懼盜窺踰** 外無舍是處寓居于紫極官之道學館因領其教 j 八載予以前校理罷免降資廣陵太府軍事任在 甫 令斥去題士大忿乃為伐櫻桃賦以刺 古今事文簡駁傻集

古人有言芳格 赫赫問宇立之又玄長廊霞截萬殿雲賽寶吾君丰脩 集駢朱實以星爆故當小鳥之所啄食妖姬之所攀散 之宜除觀其體異脩直林非棟翰外森沉以茂家中級 古人有言芳蘭在門不得不鋤眷兹櫻之攸止亦在物 篠桂檜茝若蘭荃椅具美其在茲爾何徳而居馬擢! 錯以交亂先羣卉以效謟望嚴霜以凋換綴繁英分霰 庸之瑣質家本枝而自芘汨羣林而非據專廟庭之右 祖德論道設教之筵宜乎時以苏馥樹以貞堅匪夫

伐盤根容葉剥横柯焚朝光無陰夕鳥不喧肅肅明明 嗣鸞竊癣位由復霜而其戒聿堅氷而荐至嗚呼乃終 得而窥伺諒何惡之能為終物情之所畏於是命尋斧 雖見親而益 忌譬諸人事也則晉吞併於偕沃魯出 逐 **曠荡乎堦軒嗟乎草無滋蔓瓶不假器茍恃勢而將逼** 於强季絲峻擅而吳削倫問專而晉墜其大者虎遷趙 古覆車之軌轍豈尋常散木之足議 雖先寝之或薦豈和羹之正味每俯臨乎蕭墻姦囘 古今事文類聚後集

一般灾匹庫 全書 轉盤傾玉鮮明籠透銀內園題两字西掖賜三臣熒惑 清晚超丹禁紅櫻降紫宸驅禽養得熟和葉摘來新圓 火齊寶瓔珞垂於綠繭綠幽禽都未覺和露折新枝 赤醍醐氣味真如珠未穿孔似火不燒人瓊液酸 櫻桃 與沈楊二舍人閣老同食敕賜櫻桃翫物感 恩成十四韻 泡至能 白居易


RIJO DE ALLIN 萬顆勻圓訝許同憶昨賜常門下省退朝學出大明宫 西蜀櫻桃也自紅野人相贈滿筠龍數回細寫愁仍破 甜足金九大小匀偷須防曼倩惜莫擲安仁己懼長尸 何似筠龍相發揮 禄仍機數食珍最慙思未報飽餵不才身 四月江南黄鳥肥櫻桃滿市燦朝輝赤瑛盤裏雖殊遇 櫻桃 櫻桃 古今事文類聚後集 陳去非 杜甫 Ī

滿合虛紅怕動搖尚書知重賜櫻桃糅藍尚帶新鮮葉 共看傳賜出青冥香隨翠龍學初重色照銀盤寫未停 動力四角有書 漢家舊種明光殿炎帝還書本草經豈似滿朝承雨露 食罷自知無所報空然慙汗仰皇局 金盤玉筋無消息此日當新任轉遂 血猶殘舊折條萬顆真珠輕觸破一 謝楊尚書恵櫻桃 和張水部勃賜櫻桃 團甘露軟含消 韓愈 盧延遜

都 時節雖同氣候殊未知堪薦寢園無合充鳳食留三 とこうう 復瑩嬪珠湖南無件金鑾咸蔵長宣賜忍淚看天憶帝 誰許屬偷過五湖苦笋恐難同象人 **介老病尤珍荷併食中腸似火燒** 1.1.5 答魏衍恵朱櫻 湖南絶少含桃偶人以新摘者見恵感事 懷因成四韻 古今事文類聚後集 秦中謂三酪浆無 月櫻笋時 陳無に 韓偓 Ž 島

嘗新此日賴吾徒傾籃的皪霑朝露出袖熒煌得寶珠 多戶四庫全書 流年如可驗何必九華丹遂知唐人已用櫻桃薦酪也 杜牧之和裴傑新櫻桃詩云思用烹酥酪從将洗玉盤 會薦琰盤號一 詩話 門先得故人書稍喜提攜起覆孟得句有誰知我在 桃實 櫻桃薦酪 一座莧腸藜口未良圖 卷二十五

欠し日記入記 詩句鸚鵡啄金桃 胡桃陳倉胡桃薄皮多肌陰平胡桃大而皮脆 作桃符著門以厭邪此仙木也鄉泉桃在樹不落殺 羣書要語桃者五木之精也故厭伏邪氣制百鬼今 宜孔子不然之也認桃之天天有黄其實南園有桃 桃表櫻胡之别賦居 經海桃曰膽之注桃多毛拭治去膽不聞以泰雪 草東海有山名度索山有大桃實品盤三千里曰 王 古今事文類聚後集 母獻金桃 九重春色醉仙 Ŧ 蜡 桃 百



東都獻短人帝呼東方朔朔至短人謂上曰王母種 自噉二以五枚與帝帝留核著前母曰用此何為上 齊景公有勇士三人恃功忠行天下公患之晏子曰 一千歲一實此子不良已三過偷之矣後西王母以 桃殺三士 七日降帝宫命侍女索桃須更已至盤盛桃七枚) 桃今計功而食三士初争後讓皆自殺反桃故 1.1. 方朔竊桃 古今事文類聚後集 扎 母

一多定四年全書 遥望山上有桃遂蹄險援甚至其下噉數枚錢止體充 |漢永平中劉展阮肇入天台迷不得返經十三日饑甚 欲種之母笑曰此桃三千年 取水見一杯流下有胡麻馬乃相謂此近人矣遂 人溪溪邊有二女子色甚美見二人持 |林苑有緗桃紫文桃金城桃霜桃 漢武得種 劉阮採桃 者子非下土所植

説世 というらいこう 桓崖在京下有好桃桓玄就求不得佳者玄曰徳之休 鄉邑零落已七世矣 因邀還家至十日求還苦留半年女遂相送指示還路 曰劉阮二即投向杯來劉阮뿉二女欣然曰來何晚 古今文集 則肅慎貢其楷矢如其不爾離壁間物亦不可得也 求種不得 古今事文頻聚後集 Ė 耶

長畝而駢羅夏日先熟而進廟堂辛氏踐秋厥味益長 部员四群全書 嘉放牛於斯林分悅萬國之义安望海島而慷慨分懷 庭分飾佳人之令顏實充虚而療機分信功烈之難原 亦有冬桃冷侔水霜放神通意恣口所當華升御於内 雅者 朔之靈山何兹樹之獨茂分條枝紛而麗財根龍虬 東園之珍菓分承陰陽之靈和結柔根以列樹分艷 桃赋 晉傅玄

詩句君子防未然不處嫌疑間瓜田不納獲李下不整 羣書要語種別類分或朱或黄媽·沉朱李於寒水 魏 書宗二奈耀白丹之色 職岳素素夏成閩都又有青亦 而雲結分彌千里而屈盤禦百鬼之妖態分列神茶以 とこ日 きたんよう 白三種張掖有白赤酒泉有赤奈廣 司姦辟凶邪而濟正兮豈惟榮美之足言) 無逆色潤房陵線味奪寒水朱約盤根植藏海交幹 李寶李樹 奈並附 古今事文類聚後集

倚横天 動力四周五章 聞目無見井上有李螬食實者過半矣陳仲 匡章曰陳仲子豈不誠康士哉居於陵三日不食耳 百分事實 三四而後耳有聞目有見也 初脩上林苑遠方獻名果有朱 席 仙李盤根大 螬食李實 漢武得種 皇朝水盤夏萬碧實脆韓 子匍匐徃

抱朴 王戎年七歲當與諸小兒遊睹道邊李樹有子折枝諸 世間者但光明洞徹而堅以玉井水洗之便軟而可食 五原蔡綖入山而還其家人云到崑崙山有玉李形如 しょして こく ,兒競走取之惟戎不動人問之答曰樹在道邊而多 道旁苦李 崑崙王李 Į 雜西記京 古今事文類聚後非 ŧ

敏灾四年全書 房陵朱仲有孝園三十六所述異 子此必苦李也取之信然世 和崎性至儉家有好李求之不過數十王濟候其上直 濟伐之也語 和嬌諸弟往園中食李而皆計核賣錢故嬌婦弟王 一年指園共啖畢代樹送一車枝與和公唯笑而已 啖李伐樹 房陵佳李

大心口事人は 封多不生足下所疏云此果住可為致子當種之吾篤 喜果今在田里惟以事故速為致此子者則大恵也洪 玉父云來禽以味甘來聚禽也 王羲之帖云青李來禽櫻桃日給藤子皆囊盛為佳函 王安豐有好李常賣之恐人得種常鑽其核此 來禽致子 名嘉慶子 古今事文類服後集

樹曰以此為我姓 多分四月台書 30 兩 京 **嘉慶坊有李樹其實甘鮮為京都之美故稱嘉慶** 但言嘉慶子益稱謂既熟不加李亦可記也 博勞 指李為 適到李樹之下生老子老子生而能言指: 丁俱行朔渴令弟 似姓 李树 傳神 仙 以下係 卷二十五 家門而不

曹植謝賜表即夕殿中虎賁宣詔賜臣等冬李一食以 大江田田公司 柰 夏熟今則冬生物以非時為珍思以絕口為厚詔報 名博出與朔相見即入取飲與之班方 弟子曰主人當姓李名博汝呼當應室中人果有姓李 曰山柰涼州來云云 **杰實冬生** 抱樹護柰 古今事文類聚後集

室主名呼不應朔復往見博勞飛集其家李樹上朔謂

銀月四日在書 楊愔四世同居庭有柰樹實落于地羣兒咸爭愔獨坐 鶴盛鼠時雨忽至祥抱樹至曙母見之惻然孝子 日大人未 見不敢先當不受之 王僧孺五歲父友有饋其父延年奈者先與僧孺僧孺 不顧季父見之曰此兒恬裕有我風三國 王祥後母庭中有奈樹始著子使祥守視畫驅鳥雀夜 兒不顧柰 兒不敢當 卷二十五

見-君也傳 とこうらしたい 袁本初時有神出河東號度索君兖州蘇氏母病往禱 巴三千年日月易流使人悵然去後度索君曰此南海 古今文集 人布衣高冠謂度索君曰昔廬山共食白奈未久 嘉慶李 共食白柰 古今事文類聚後集 白居见 Ī

動定四庫全書 粲 祭來禽已著花芳根誰從向天涯好尋青李相遮 與渠同别故鄉來 屈味應同逸少家 都緑李萬州栽君手封題我手開把得欲當先帳望 今瘦似病維摩 時能笑醉能歌眉映青山眼映波舊日美如潘騎省 來禽 人面子 火 劉彦冲 楊廷秀

Sensing a sension	enticht aus eine eine eine eine eine eine eine ein	TOWN TO THE PARTY OF THE PARTY
次之四事全書-	山神学 原層摩	
古令事文類聚後集		
中长		

170		 	ing Marin	AUGUST TO	1.00
古今事文類肠					ヨクモルハー
古今事文類聚後集卷二十五					卷二十五